



郝文忠公陵川文集序



國初未遑文治不階教育奮然自勵致海
內盛名文章事業耆舊推重時輩莫敢
與角若國信使贈昭文館大學士榮祿
大夫司徒冀國公謚文忠郝公真豪傑
之士哉公諱經字伯常上世澤州之陵
川人八世義居儒行師表一鄉至公恢
大素業蔡國張公館于家

世皇聞之首加禮聘奏對屢稱
旨益竒之南征挈以偕行授江淮宣撫副
使中統初選充宋使留十有六年不辱
君命天下戶知之詳見隧銘洎神道碑今
集賢大學士郭公貫幼從公學其任禮
部尚書也請刊其遺文
朝廷從之事屬江西行者以序見徵惟公
挺不世出之才蘊大有爲之志氣剛以

大學博而充陳時政兵事綽見經濟之
能傳周易春秋深探幽隱之趣正蜀紀
刊前史之繆誤移宋朝悉和議之利害
雜著歌詩涵泳古今本原騷雅不失爲
竒作使之叅與

廟謨黼黻王度斯民被澤吾道增重也必
矣方羣賢彙進之秋乃遠涉江淮投身
虎口及歸年德耆劬區宇混一宜享安

榮之樂而大故遽及生平抱負竟不獲
展萬一可哀也已然其終始大節日光
玉潔焜耀無窮述作之夥刻示永久庶
可以下慰九泉矣崇儒報功
家盛典獲紀其實託名簡編之末又何
敢辭敬爲之書以諭來者延祐丁巳四
月
日國子祭酒東平晚生李之紹
謹序

新刻陵川文集序



斯文在天地間未嘗一日磨滅
雖否剥之極亦必陰有禪續以
需復而開泰蓋天地之命脉吾
人所恃以立者其得而喪乎自
古夷狄之禍未有如勝國者溷

我神器腥我皇極天常人紀宜
若壞爛而無餘然豪傑之士奮
起北方文章行義炳相望足以
用夏變夷推而使繼唐宋之後
有六朝五季所不及者豈非天
意之有在哉吾鄉陵川郝先生

自少力學博極羣書其為文豐
蔚豪宕詩竒崛俊逸而卒澤于
道德仁義誠一代宗匠非區模
寫篆刻者比也顧兵燹之餘其
集失傳龍垂髻時即慕先生名
僅聞其詩一二求全集不得者

陵川文集序
數年而未置也迨承乏史職憲
副沁水李公叔淵篤學好古凡
先達制作有未顯者輒為表章
亦以是屬龍始獲抄諸
閣本及公轉湖廣憲使遂付諸
梓龍得校而序之惟陵川學有

淵源不徒文而已蓋自明道令
晉城澤人遂知程氏之學郝氏
世以儒顯至先生益務恢拓故
其學邃于理而精于易自伊洛
以迤鄒魯而上窺羲文期于有用
不為俗儒聘起使宋慨然以弭

兵安民為任不幸拘留十有六年
囚辱備至方舍命不渝從容
著述為書凡數百卷皆闡精示
微窮高極遠擴前賢所未發此
吾儒之澤所以不斬而生民卒
免於左枉也嗚呼自有元得罪

萬世後之議者往以仕元病諸
公不知天生賢才為斯道計賢
才處世亦惟以道自任不敢有
負于天天下雖亂于是存吾道
而生吾人亦庶乎其可也叛如
公山僭如楚子而夫子皆欲往

馬况生其地為之民將奚所逃
哉以夷狄之暴而君諸夏非諸
賢維持而救正之則人道之滅
久矣豈能復待魚自出而
聖明之出乎因序先生集而併
及之

正德二年丁卯秋八月朔

賜進士及第翰林院

國史編修文林郎上黨劉龍序

陵川郝文忠公文集序

文所以載道道一也而文則
 隨時而變焉有唐虞三代之
 文有先秦兩漢之文有魏晉
 之文有唐人之文有宋人之
 文有元人之文唐虞三代之

文簡古不可尚已秦漢而下
愈變則愈繁至于元而文之
變極矣文雖以時異而道未
嘗不寓焉其言比于道者文
之粹者也其言鑿于道者文
之駁者也若陵川郝公之文
其元文中之傑然者乎公生
于冀而仕于元少穎敏有大
志自六經諸子歷代史傳以
至天文兵律無不淹貫洞達
其學博其才贍故發而爲文
也汪洋滂沛如大河東注一

瀉千里抑揚起伏如太行諸
峯層見疊出蓋積之深而發
之盛理固然也公嘗以元世
祖即位奉使輸平于宋適理
宗末季賈似道誤國遣人幽
公于真州者十有六年公處

困而裕方且日以著述為事
初無抑鬱無聊之態則其所
養又可知已文集凡若干卷
板行于元久而散逸見者鮮
焉吾大憲長李先生叔淵博
學好古以公鄉先哲也景慕

之尤深求其集踰二十年始
得全帙如獲拱璧遂手校而
刻之梓以傳嗚呼宋開慶間
公從元世祖次師于鄂登高
吊古其諫武昌三節婦詩實
載集中則鄂固公所嘗游覽

之地也距今二百余年而文

集廼刻于茲夫豈偶然也哉
抑公之所著有續後漢書及
易春秋內外傳皆卓然自成
一家惜乎無傳焉安知是集
一出不有因之而旁求者乎

公名經字伯常謚文忠世家
澤之陵川其履歷顛末具在
銘誌茲故得而畧云
正德二年歲在丁卯春正月

吉

賜進士出身奉議大夫湖廣等

處提刑按察司僉事奉

勅提督學政前翰林院庶吉士

廬陵陳鳳梧謹序

延祐五年五月初九日奉

江西等處行中書省劄付准

中書省咨集賢院呈延祐四年十二月初五日也可

怯薛第二日

嘉禧殿內有時分對速古兒赤明里董瓦學士喜春等有來本院官陳大學士

奏郝伯常學士做國信使入來講和去時於真州拘留了十六年間做了一部續後漢書并他平日作來的文章陵川文集這兩部書中書省交江西行省有管下學校錢糧內開板去了也奏呵奉

聖旨您與省家文書交疾忙了者麼道
聖旨了也欽此具呈照詳得此咨請欽依施行准此省府
仰依已行開刊施行奉此

奏請印書學士始因計六未籍時亦都令兵部
書文本別官新大學士
嘉新錄內有部令據古史亦照思盡民學士
卦和英二日

中書省移江西行省咨文

皇帝聖旨裏中書省禮部呈奉省判翰林國史院呈照得
先據經歷司呈奉禮部符文承奉中書省判送本部
呈准尚書郭嘉議關竊謂士遇則致君澤民功被一
時不遇則著書立言名垂後世故翰林侍讀學士國
信使贈昭文館大學士資善大夫文忠郝公以命世
之才為

世祖皇帝所知

潛邸召見置諸侍從中統

御極即

命講好使宋拘留十有六年至元乙亥始得歸

國凜然風節遠配古人將被大用以宿瘴而卒其平日

著述如三國志燕曹魏而主劉蜀使正統有歸脗合

朱文公通鑑綱目筆法一洗前書之謬誤是誠有補

於世教又如春秋外傳一王雅陵川文集等書學者

願見而不得似此遺藁家藏尚多不幸其子山南江

北道肅政廉訪使文徵早卒伏慮前書久而散失良

可惜也如蒙

朝廷允許於懷州本家取發前來付翰苑披詳發下版

行庶使一代儒宗雄文傑作不至湮沒傳之將來以

見

聖治文明之盛是則非惟死者之幸實後學之幸也請

轉呈都省照詳施行本部參詳如准所言將郝文忠

公遺文裒集梓行誠有補於世教具呈照詳覆奉

都堂鈞旨送禮部依上施行奉此行據懷孟路申今

將陵川文集并三國志申解前去乞照驗事者部仰

照驗議擬施行承此具呈照詳得此除將發到陵川

文集一十八冊三國志三十冊送付編脩官蒲道源

等考較去後今據待制趙穆編脩官蒲道源等官連

呈文忠公郝經所著文集筆力雄深議論該博忠義

之氣藹然見於言意之表其續漢書得先儒之至論
黜晉史之帝魏使昭烈上繫漢統扶立綱常有補世
教其間叙事典贍核實多前史所未及者若蒙呈達
都省行下書坊版行俾後非惟使斯人生平精苦之
志有以表見千世亦示我

國朝之有人焉呈乞照驗得此翰苑議得如准待制趙
穆等所言相應除將前項文集依數發付禮部依上
施行外得此奉都堂鈞旨送禮部照擬施行奉此本
部叅詳郝文忠公著述三國志陵川文集等書既翰
林國史院考較得堪以版行相應得此南行省所轄

儒學錢糧多處刊行相應得此今將前項文集隨此
發去都省合行移咨請照驗行下合屬依上委官提
調如法刊畢各印二十部裝楷完備咨來

元故翰林侍讀學士國信使郝公神道碑銘

集賢學士嘉議大夫盧摯撰

公諱經字伯常郝氏自潞徙澤之陵川始公八世祖
祚曾祖昇祖天挺父思溫既歿其徒相與號靜直處
士有三男子公其長子也八世祖而下皆同居業儒
不仕以淑其里場休瀟慶迺發於公壬辰之變靜直
君流寓燕趙間公年十餘歲沉塞靜重狀貌瓌奇精
敏有志趣盡力子職及其爲學晝或忘晡通夕詰旦
衣服危坐諷誦不輟劬勤如此凡五六年剗剗捫摩
磊砢而直廉臬而輝涵積揉累日殊月異擷芳雋腴

充而足之趨武周孔比肩淵軻雷風斯文陶冶當世
慨然以為已任山峙川駛天遊神遇屹乎莫移浩乎
莫禦變化不可測矣既冠順天道左副元帥賈公輔
一見待以國士萬戶張蔡公柔館公帥府張賈子弟
皆從質學海內名諸侯聞伯常之風者莫不飭使介
走書幣度幾屈為賓友公一謝絕

世祖在潛邸羅致異雋挹其聞聲遣使者一再起公既奉
清問上稽唐虞下追湯武所以仁義天下者緩頰以
談繁若所陳也

帝喜諭所聞凝聽忘倦且俾書所欲言者條數十餘事皆

援據古義靡切時病及踐祚更化用公之言居多歲
己未

憲宗自將伐宋建聲益上流

世祖揔東帥跨荆鄂公建議大槩以謂彼無釁可乘未見
利唯修德以應天心發政以慰人望簡賢以尊將相
厚族以壯基圖撫殊俗制列鎮以防窺竊結盟保境
興文治飭武事育英材恤罷氓以培植元氣藏器於
身待時而動則矣可圖矣

帝偉公所論以為江淮荆湖南北等路宣撫副使然勢不
中止遂絕江圍鄂守將賈似道駭遽請和屬

憲廟升遐

王師言還明年

世祖即皇帝位詔公以翰林侍讀學士使宋號使曰國信
錫金虎符公方踰淮邊將李璫輒潛師侵宋兩淮制
置李庭芝寓書于公蟻以款兵館留真州藉為口實
公答書弭兵息民通好兩國實出

聖衷日諭邊將戢戍守圉以契和議衆所聞知今啓蒙自
璫一旦律以違

詔將無所逃罪此何與使人事也公復上書宋主移文
其執政論辯古今南北戰和利害甚悉皆不報顧窮

極變詐以撼公之志知其終不可休於詭數也建鏞
館所塹垣柵棘驛史訶闇夜士鳴柝防閑挫抑獄犴
之嚴不曾如此介佐而下久於囚羈戚嗟尤怨無復
生意公語之曰卿顧望不前將

命之責一入宋境死生進退聽其在彼守節不屈盡其
在我者豈可不忠不義以辱中州士大夫乎但公等
不幸須忍死以待揆之天時人事宋祚殆不遠矣衆
服其言亦皆自振勵至死十一年右丞相伯顏奉

辭南伐江漢名城望風鄉附

世祖命禮部尚書誥宋執行人之故遂以禮歸公

聞嬰疾在途醫問絡繹既至
錫燕路朝以張異瞻隱其瘁於廛事也
詔治疾於家病殆不起以

聞

天子悼焉官其子采麟奉訓大夫起家知林州初公之使
宋也內則時相王文統忌公重望排置異國陰屬邊
將遠

詔侵宋沮撓使事故以款兵假手害公外則宋權臣似
道竊卻敵為功取宰相畏公露其巧盟幸免之跡遂
主議稽留舉國皆知其非似道不恤也公拘儀真館

十有六年去國未幾而文統伏誅甫歸國宋探誤國
之罪似道殛宋隨以滅然則懷姦怙寵傾陷善良雖
暫若得計機發禍敗會不旋踵抑宋有亡徵公與阮
會其患難不渝始終名節窘一時而亨百世者初非
不幸也公歸以十二年四月卒以是年七月乙酉春
秋五十有三是月丁酉權厝保定府西靜直君墓次
公幼至孝撫諸弟極厚待宗族疏近如一篤友樂施
惠於已者雖細必報然偉特方嚴風岸隋立衆不
可攀薰良猶姦題帖無貸故用世之志適際可為已
墮音擯既處幽所以立言載道為務撰續後漢書

紬丕儕權還統章武以正壽史之失著春秋外傳易
外傳太極演原古錄通鑑書法玉衡直觀刪注三子
一王雅行人志各數十卷公於辭以理為主雄渾有
氣文集若干卷傳於世嗚呼功於斯術者不既多乎
指累適已又何其勤也公娶張氏淑明祇修嫺惠君
子後公卒子男三人二早卒一采麟也以文學行治
擢賓侍從今為集賢有學士朝列大夫女子二人皆
已嫁孫二人皆幼其孤采麟謀徙公之厝北孟州河
陽縣某鄉某里卜叶則次公生平事來謂涿郡盧摯
曰先子葬有日墓隧之碑宜得銘得銘非倍後詒遠

者銘猶無刻也夫子宜銘摯惟侍讀公以宗儒文雄
有勞烈於國叙惠暴庸莫詳史氏其堅毅忠壯抱負
不可揜者名聲昭徹雖走卒牧豎深閨婦人皆能道
公姓字與沒世無聞者異信後詒遠何待墓刻然固
不可無銘也銘曰

鍾氣之奇唯志是持緒道之微而才可為振轂鄒魯
驂乘傳伊獵惠游藝載驅載馳孰瘠其渚孰植其茲
孰芬其藪孰煦孰吹有實其居賓吾能戲顰

聖潛于藩髦選無遺裾曳冠巍憲言祁祁躍淵
天飛鱗公雲達迺睠南顧迺休

王師廼命鴻碩柔遠淮夷夷速其顛公禦乎危削弊操
觚榮觀幽羈刪述分名義昭垂薄言還歸昔壯今
耆胡不康寧胡不期頤胡不三事為

國著龜

清廟宗彝不既厥施輿論嗟嘻蒸蒸嗣慶圖永孝思刻
文墓碑以顯詩之

元故翰林侍讀學士國信使郝公墓誌銘

翰林學士承

旨正奉大夫知

制誥兼脩國

史闕復撰

一天下之道有二以仁以得人奚以仁孟軻氏所謂
不嗜殺人者能一之奚以得人漢史所謂知人善任
使所以成帝業也洪惟

世祖聖德神功文武皇帝之取江南其審是道歟我

朝肇起朔方奄宅中夏惟靖康餘孽假息一隅干戈相
尋餘數十年中統建元之初首遣信使通好以偃兵
息民為務宋人怙險執我行入久之而不返始興問

罪之師臨軒命將引宋將曹彬不殺為戒其一天下之仁灼見於此為將帥者卒能以仁義之師席卷三吳所過市不易肆三代名將不啻過焉奉使節者被執十六年之久卒能完節而歸不辱

君命兩漢名臣無以尚之嗚呼

世祖皇帝知人之明遠追堯舜豈區區漢祖所可比隆哉將帥謂誰大丞相伯顏是已奉使謂誰故翰林侍讀學士郝公其人也公諱經字伯常系出有殷帝乙支子封太原郝鄉子孫因土命氏八世祖祚自潞徙澤之陵川遂為陵川人祖諱天挺考諱思溫八世同居

以儒術教授鄉里考歿門人謚曰靜直處士靜直公三子公其長也幼不好弄沈厚寡言金季亂離父母挈之河南偕衆避兵潛匿窟室兵士偵知燎煙于穴燬死者百餘人毋許亦預其禍公甫九歲暗中索得寒蕝一甌挾齒飲毋良久乃蘇其卓異見於童稚若此金亡北渡僑寓保定亂後生理狼狽晨給薪水晝理家務少隙則執書讀之父母欲成其志假館于鐵佛精舍俾專業於學坐達旦者凡五年初被郡帥賈侯之知待以賓禮蔡國張公聞其名延之家塾教授諸子蔡國儲書至萬卷付公管鑰恣其搜覽公才識

超邁務為有用之學上泝洙泗下迨伊洛諸書經史
子集靡不洞究掇其英華發為詞章論議視前古慨
然以羽翼斯文為任自是聲名藉甚藩帥文辟皆不
屑就時

世祖在潛以太弟之貴開府朔庭招集四方賢士講明當
世之務歲丙辰公應

召而北優被

顧問首陳唐虞三代治道以對又條經國遠圖及民間
利病凡數十事悉見嘉納歲己未

憲宗皇帝大舉伐宋取道巴蜀

世祖奉命帥東道兵直趣鄂岳以公從行公乘間進言王
者之師有征無戰巴蜀地險宋人邊圉孔固萬恐蹙
輿西邁非萬全之舉也我師未可輕進宜修德以應
天心布澤以徠民望敦族以固根本警備以防未然
蓄銳以養兵力相時而動江左不足圖也
世祖信其說會立江淮宣撫司授公宣撫副使以先啓行
布宣威德招納降附所活不可勝計是歲秋王師渡

江圍鄂

憲宗皇帝次合州綴于一些師久無功未幾
上仙凶聞至軍中會宋人請和即命班師明年

世祖御極歆柔服宋人以公奉使告登寶位且徵前日請和之議或為公言宋人譎詐巨信盍以疾辭公曰自南北邁難江淮遺黎弱者被俘略壯者死原野兵連禍結斯亦久矣

聖上一視同仁務通兩國之好雖以微軀蹈不測之淵苟能弭兵靖亂活百萬生靈於鋒鏑之下吾學為有用矣乃授翰林侍讀學士佩金虎符充國信使初鄂渚之役宋將賈似道遣介乞和

王師既還遂以扞城為己功入拜偽丞相顯制國事宋主仰成而已聞公來聘恐泄句和之議故館於儀真

不聽其入公被留既久上書宋主移文相府開陳古今和戰利病喻以禍福存亡之理累數十萬言皆不報又數以詭計撼公公曰吾家業儒凡七世矣顧肯虧忠義大節以辱中州士大夫乎佐從數十輩雖被館穀嚴扃錮鐵環兵擊柝如墮狴犴中人人鬱抑殆無生意公厲志堅貞確然如石不可轉也至元十一年大丞相伯顏戈船南下奉辭伐罪宋主懼而歸公始知似道姦謀誤國即加竄殛十二年公至京師

世祖錫宴於路朝慰勞良久公自中途邁疾至是增劇翌日車駕幸上都公留治疾以七月己酉終於所居之正寢

春秋五十有三

朝廷憫其忠節特授公子采麟奉訓大夫知林州凡從公使宋者賜爵有差噫宋之亡也非若吳皓之昏暴陳叔寶之昏淫以姦臣制主弗體

聖朝好生之德拘執行人自啓兵端爾嚮使從公之言講信脩睦則于羽之舞不專羨於虞庭宗廟血食微若教氏之嘆矣蓋宋運將終天開

皇元混一之期以至歸版圖於職方納降王於軒陛惜公不及見焉悲夫公在儀真日以著述爲事准通鑑綱目作續後漢書以正史壽之夫著春秋周易外傳太

極演原古錄通鑑書法玉衡真觀注三子一王雅行人志等書凡數百卷先哲立言垂世多自幽憂困吝中是知天之厄公適所以厚公也夫人淇澳張氏貞靜端淑教子有法後公十年卒三子二早卒采麟今官集賢直學士朝請大夫文章行業克世其家二女適某氏適某氏孫暨尚幼二弟彛字仲常韜晦不仕庸字季常累官奉訓大夫知潁州事公之歿也權厝於保定西郭靜直君墓側大德三年春遷窆于河陽虎頭山之原從吉兆也先事朝請君持淮東道肅政廉訪副使苟宗道所述家傳請銘幽隧復嘗與君同

僚義不可辭銘曰

虎山兮蒼蒼河水兮洋洋山之麓兮河之陽有堂其
封兮郝公之藏昔公之往矣金虎斯煌偃革息民兮
仁信是將羌宋人之弗寤兮乃底滅亡公陷荆吳十
六年之久兮秉使節之堂堂英風義槩高古之人兮
耿百世其垂光虎山兮茫茫河水兮湯湯山之永兮
河之長郝氏餘慶兮淵乎未央

故翰林侍讀學士國信使郝公行狀

公諱經字伯常姓郝氏系出有殷帝乙之支子封太
原郝鄉子孫爲世八世祖祚自潞州徙澤之陵川縣
故世爲陵川人曾大父諱昇字子進母某氏大父諱
天挺字晉卿母某氏父諱思溫字和之旣沒門人謚
曰靜直處士母許氏自八世祖以下皆同居業儒賈
德不仕教授鄉里爲一郡望族靜直君生三子長即
公也次曰彛曰唐公幼不好弄沉厚寡言始知讀書
能強記不忘歲辛卯靜直君與夫人許氏携公避亂
于河南魯山與衆數百皆匿于窟室居無何敵人索

知氣薰兒而死者殆盡太夫人亦因咽塞而絕時公甫九歲匍匐摸索得黃蘗一瓶又得蜜一器遂用太夫人所佩剪刀抉其齒以蜜和蘗汁飲之少頃而蘇靜直君異之雖奔走瀕死者數愛公不忍棄也歲壬辰河南亡徙居順天府亂後生理狼狽靜直君欲令次子讀書俾公專治家事以紓目前之急太夫人曰吾觀是兒志貌不凡他日必大吾門忍令廢學以墜家聲不過我輩忍窮數年耳靜直君以爲然命公就學公亦自振勵雞鳴而起執薪水之役晝則營幹家事少隙執書讀之而不輟也會鐵佛寺僧張仲安者

識公茂異以寺之南堂居公聚童子而教之公遂刻苦力學肆意窮討衣不解帶忘寢與食坐徹明者五年每遇疑難則沉思良久反覆諷誦期於必得必悟而後已嘗自誦曰不學無用學不讀非聖書不務邊幅事不作章句儒達必先天下之憂窮必全一己之娛賢則顏孟聖則孔周詎如韋如脂爲碌碌之徒而已耶故慨然以興復斯文道濟天下爲己任讀書則專治六經潛心伊洛之學涉獵諸史子集一以窮理盡性脩己治人爲本其餘皆厭視而不屑也故世之爲決科干祿纂組詞章之學者始則羣聚訕笑終亦

拱視而服之矣既冠順天路左副元帥賈侯一見待
以國士辟公教授諸子以書萬卷俾公讀之數年公
聲名日盛萬戶蔡國張公聞之禮請公館于帥府授
諸公子學張公復有書萬卷付公之管鑰恣其搜覽
公乃大足平生之願卒成偉世之器厥後張賈子孫
比皆爲將相名臣以顯于世初遺山元先生學于公
之大父亂後往來燕趙間一見公竒之曰吾子狀類
先生才識間出家世淵源有所積而然也遂相與論
作詩作文法復勉公以百世遠大之業江漢趙先生
愛公文筆雄贍練達性理謂之曰江左爲學讀書如

伯常者甚多然似吾伯常挺然一氣立於天地之間
者蓋亦鮮矣自是而名亦重焉諸鎮侯伯馳書交幣
各欲聘爲己用皆拒而不荅歲壬子

今上以皇太弟開府于金蓮川徵天下名士而用之故府
下諸公累薦公于

上乙卯秋九月

上遣使召公不起十一月召使復至公乃歎曰讀書爲學
本以致用也今

王好賢思治如此吾學其有用矣歲丙辰正月見于沙陀
上問以帝王當行之事公援引二帝三王治道以對且告

以親親而仁民仁民而愛物之義自朝至晡
上喜溢不倦自後連日引對論事甚器重之且命條奏所
欲言者公乃上立國規模二十餘條以爲創法立制
必有一定規模然後可行故有一國規模有天下規
模有萬世規模當今依倣前代建立萬世規模皆當
時天下國家大事

上復問當今急務公舉天下蠹民害政之尤者十一條上
之切中時弊

上皆以爲善雖不能即用至中統後凡更張制度用公之
言十六七歲已未

憲宗皇帝帥天下兵大舉伐宋自西川入
今上總兵直趣荆鄂遣使召從行

上駐蹕於濮會軍師有以宋臣植齋奏議呈獻者言宋邊
防衝要忌吾者凡七處

上召諸公共議公乃具奏以爲古之一天下者必已之德
澤深厚紀綱完具彼之荒淫亂虐敗亡有釁天命人
歸一舉而取之其地醜德齊驕肆妄動輕則見沮而
還重則覆亡之不暇我

國家開創以來彎弓躍馬窮征遠討四十餘年紀綱未
立民不聊生彼之君臣輯睦政事修明無釁可乘我

乃空國而來僥倖一舉諸侯窺伺於內小民彫弊於
下故人之攻吾者不啻數十百道而不備乃利人久
備之道而攻之臣見其危矣願王整兵修武以俟西
師藏器於身待時而動與

帝修帝德以應天心明王道以慰人望簡賢良以尊將相
親宗室以壯基圖撫諸國以消潛慝制諸道以防窺
竊實屯戍以嚴武備結盟好以弭兵鋒興學校以育
英才恤瘡痍以養元氣如是則禍變可弭社稷無虞
我無釁而宋可圖矣

上見公儒生談論兵事剴切愕然曰是汝與張拔都共議
邪公曰臣少館于張侯之門亦嘗聞其論議此特臣
臆說張侯初不與知也公退而著書義名之曰七道
凡七千餘言會以前中書令楊公惟忠爲江淮荆湖
南北等路宣撫使命公爲副使以歸德路一軍聽二
公節制行至棗陽楊公以私故欲還沛梁公曰嚮者
奉

命令我輩布宣

恩信以先啓行傳聞王師已踰淮蔡我若背馳還汴是
大不可楊公弗聽公反覆辨爭楊公怒而起曰事當
從長遂不與公會面者三日公乃率戲下擬建旆而

南楊公悔懼抵暮詣門而謝曰某誤矣公之執守讀書之力也敢不唯命是聽翼日遂與之俱會

王師于江上此又足以見公之不為阿諛詭隨有如此者公等存恤遺黎听納降附所至民皆聚拜馬首故遠近降者如歸所活不可勝計繼而聞西師果以萬乘之威綴于一寨數月不拔死傷甚衆公急上奏曰東師議大略以為且當按兵觀釁以全東師所以防禍於未然者周至懇到

上稱善者久之然與

帝業已定約不獲中止遂渡江圍鄂未幾

憲宗凶問至自合州鄂人乃據城堅守不下師竟無功而

還明年庚申三月

上即皇帝位于開平四月遣使召公欲令使宋公適自江上回或勸公稱疾勿行公曰吾讀書學道三十餘年竟無大益于世今天下困弊已極幸而天誘其衷主上有意息兵是杜稷之福也儻乘幾挈會得解兩國之閭活億萬生靈吾學為有用矣遂赴

召夏四月見于開平以公為翰林侍讀學士賜佩金虎符充信國大使齎國書入宋告

登寶位布通好弭兵息民意仍

詔沿邊諸將毋得出境侵抄及

陞辭公請與一二蒙古偕行

帝不許曰只卿等往彼之君臣皆書生也且賈似道在鄂時已嘗請和於我矣將出

帝賜葡萄酒三爵且命公曰朕初即位凡事草創卿今遠行所當言者可亟上之公乃具草言

帝臨御之初當大有為以定萬世之業皆佐王經世之略凡十六條其言備禦西王罷諸道世襲尤為切至

帝皆節次行之初

朝廷將遣公等命益都路行者李瓊先差人達知亡宋

夏五月公至濟南瓊以書來止公云近遣劉仙等二人至淮安已為知州葉再遇所殺宋人意殊叵測公等可無行也瓊意實不喜和議故因此以止公公曰吾受命

朝廷持節而出若以邊將之言而遽回罪也遲疑顧望而不進亦罪也乃以瓊言聞諸

朝而行六月至宿州以信使一行到邊移文亡宋三省樞密院制置司以請接納宋之君臣會議久而不報時邊帥有侵略宋境俘獲生口而去者公遣人追及之責以不遵約束之罪仍將生口數十護送各歸本

業七月進至五河口宋人遣揚州制置司幹官朱寶
臣遙授陳州通判秦之才來接伴八月復遣懷遠軍
招撫司叅謀潘拱伯來館伴仍請登舟而南公將入
宋境憂

朝廷初政治具未完事有未善者遣使上封事言闕失
以爲

國家振舉綱維修明禮樂雖不能使如三代亦當期致
漢唐不宜苟且叅用儉人以蠹

國政又極論風俗者天下之命脈方今最爲敗亂當速
修理行次昭信伴使潘拱伯傳兩淮制置使李庭芝

欲一見

國書公正色曰

皇帝授使人國書令見貴朝國君而與之今伴使要我於
半途其故何哉拱伯不敢復言九月至真州館於忠
勇軍營宋人規模布置已成囚所矣十月宋遣吉州
刺史兩淮制置司諮議官衛司愈來傳宣撫問云蒙
國遣使通好實出美意爲李松壽一再犯邊故且館
留儀真又出李庭芝一書云信使以美意而來松壽
乃懷姦以逞以此而和殆類疑我仍械繫李壇敗將
劉軍判者以爲口實初公之在宿州李壇潛師侵米

宋人敗之淮安故以款兵之事誣我公答書大略開陳

聖主通好美意中間別無蓋藏至於邊將用兵啓釁彼自不遵

詔旨何與使人事仍上表宋主有云願附魯連之義排難解紛豈如唐儉之徒款兵誤國宋人見公辭直理順遂不復言自後公等移文制置司請入見不報請歸

國亦不報乃牒宋三省樞密院致書平章賈似道上書宋主闕下反復辨論古今南北戰和利害并今次遣

使止是告

登寶位布通好弭兵息民意前後凡數十萬言皆不報伴使等但云朝廷已有定議矣初公之爲使也雖出於

聖上本意平章政事王以道忌公威望軋已乃力贊之仍親作

國書以促公行蓋欲排置于外也宋人既定議留公不遣見公辭氣曾無少沮明年伴使宋寶臣等偽報本朝異聞公弗聽復累言之欲離貳公心以起降意公厲聲曰此事斷無設若有之更當發遣我輩還

國公乃與介佐一行束裝露次于庭者月餘以請歸宋
人知公終不可屈乃堅請復位後果虛妄公在真州
所居之館故總制廳事也館門扃鑰牢固無故不復
啓鑰院中舊有大樹數株盡皆斫去牆高丈餘上則
樹以蘆柵下則荐之以棘外則掘壕塹置鋪屋兵卒
坐鋪者恒百餘人晝則周圍覘伺夜則巡邏擊柝所
以防閑挫抑者無所不至公皆不以為意益振其剛
大之氣不作委靡乞憐之態公御下頗嚴介佐人負
見宋以長久之計羈縻不遣時亦有怨嗟者公謂之
曰吾一介書生蒙

主人兩徵而起一命為宣撫使再命為國信大使捨忠與
義其何以報嚮在淮北猶豫顧望畏避不前我之罪
也一渡長淮宋既接納盡其在我者而已其死生進
退在於彼國吾惟有一守節不屈耳吾祖宗以來七
世讀書寧肯為不忠不義以辱及中州士大夫乎但
君等不幸同在患難且宜忍死以待吾以天時人事
測之宋之氣數不遠矣衆皆悅服故雖被拘執十有
六年除物故三熟人外皆能與公俱歸蓋以公平生
忠義之氣有以激勵而然也歲丙寅春三節人有因
閩毆相殺死者公曰若輩拘囚歲久殆無生意是不

可與久處此困厄也恐別生事端玷吾大節乃與慕僚苟宗道等六人築館別居於外者又九年片天之下四壁之內秋霖夏暑不勝其苦公處置一定雖萬折而不劬著書吟詠自若也宋人知公志節終不可奪亦不忍害反畏而敬之日給廩餼頗有加焉至至元十一年甲戌大丞相伯顏將兵伐宋既渡江

齋

詔赴杭州問以執行人之故宋人懼遂禮而歸公焉明年三月

帝知公至且病遣近侍太醫逐公者相次于道所過郡邑不遠數百里來觀者如市父老見公全節不屈龍鐘皓首而歸往往有泣下者夏四月至京師入見

帝嗟慰勞來懇至賜宴畢復

召入賜坐論事適大臣奏呈諭宋詔草不稱旨俾公改作公援筆立就

帝稱善即行之至晡乃出翌日

車駕幸上都令公託醫看治無何宿疾復作秋七月十有六日疾革其子采麟問以後事仍以紙筆呈公公執筆目半瞑但書天風海濤四字餘無所言少頃終

于所居之正寢春秋五十有三天下聞而哀之越二十有八日采麟奉柩

都省差官護送權厝于保定府西郭外靜直君之墓側公雖沒四海九州之內牛童馬走皆能道公姓字矣後

朝廷憫公忠節凡從公歸者各命官有差特命其子采麟以奉訓大夫知林州初

上之園鄂也賈似道懼而請和

上未之許而聞

先帝昇遐班師北歸似道遂以爲己有却敵之功誣奏宋

主即軍前拜相甫入朝秉政而公往奉使議和以尋前約似道諱其前言之失耻爲城下之盟故定議羈留公等於真州舉國皆知其非唯似道主而不遣也噫公入宋之初而似道拜相公歸數月而似道見殺公沒之明年而宋亡公之一身關係兩朝之興喪惜乎不得一見而終也公生於喪亂之後能嶷嶷振拔不爲流俗所移以蓋世豪邁之氣堅忍不渝之志爲成已成物之學故能深造自得一體用兼本末貫萬物而不遺至於太極先天造物之機道德性命之情之妙與夫聖賢心傳踐履之實古今開濟天下之要

則尤精察洞究粹然一出乎孔孟之正諸子以下不屑論也蓋將唱鳴吾道揮斥百家邪說之蠹橫聖門而禦侮高明正大挺然一世之傑所以能建竒功立大節著書傳道以大儒名天下後世其或賦詩飲酒邀賓接物而英風逸氣有是以動人者此特公游泳陶寫之餘事耳其文則涵養蘊蓄之久理足而氣有餘蓋有激于中則吐而爲之辭如長江大河有源有委下筆數千百言不求竒而自竒無意於法而皆法純乎理性而不雜故能自成一家之作其詩則氣韻高遠止乎禮義得詩人忠厚之意故能摭寫至理吟

詠情性不爲近體尖新切律之語亦足以自成一家字畫則天姿高古取衆人所長以爲己有故有筆勢俊逸道勁似其爲人無傾側頗媚之態亦爲當代名筆公自幼事父母以孝謹稱事繼母尤篤撫育弟妹甚厚以全八世同居之義亂後得親族踈遠者待之亦同骨肉與人交結始終以誠而又喜交游好施與樂爲善事受人之恩必切切思報雖小而不忘爲人軀幹瓌偉氣貌嚴肅曾次洞達辭鋒雄辨望之凜然有不可犯之色但資賦剛方疾惡太甚故屢中小人之禍拘畱宋中不與世接反得究竟平生著述公自

弱冠每以陳壽所修三國志統紀紊亂尊魏抑漢後世不公之甚他日必當改作及聞晦庵先生有通鑑綱目嘗語人曰綱目雖奪魏統而與漢然一代完書終未改正公乃創作紀傳序志論贊等書其辭例森嚴正大雄深雅健黜姦雄之潛偽續一世之正統則昭烈孔明之心白日正中也仍改曰續後漢書若干卷以春秋聖人用道之書學者所宜深究乃作章句音義若干卷制作本意若干卷比類條目若干卷可使讀書者得聖人之本意泝流而求源由近而致遠也又學春秋者必自三傳入而三家互有得失乃作

三傳折衷若干卷凡四書總名之曰春秋外傳共若干卷合十餘萬言又以孔子承三聖之易為之作傳已極其至近世諸家傳注論議不一乃著周易外傳十卷又為太極演原古錄通鑑書法玉衡貞觀刪注三子一王雅行人志等書各數十卷又合十餘萬言觀公之用力聖門自期於不朽其志可謂勤矣今文集若干卷行于世公娶淇澳張氏賢明端淑貞靜有守公在宋十餘年夫人治家有法寬惠慈愛篤於恩義宗族賴之以安後公十年而卒子男三人二早卒一即采麟也今集賢直學士朝請大夫孫暨尚幼女

二人長適中書省知印王良傑次適從仕郎安陸縣
尹蕭玠弟彛字仲常讀書學道不求宦達以醇德篤
行終男二人長旦卒次克紹弟庸字季常累官奉訓
大夫潁州知州而卒有女二人長適洛陽裴氏子讓
次適潁州學正申必敬奉直大夫江北淮東道肅政
廉訪副使門生苟宗道狀

封贈

翰林國史院呈

皇帝聖旨裏翰林國史院謹呈照得故翰林侍讀學士郝

經始於丙辰年

世祖皇帝召赴

闕庭已未年欽授

宣命江淮荆湖南北等路宣撫副使至中統元年欽授

宣命授前職佩金虎符充國信大使使宋宋入輒留一

十六年逮

王師入境始得北歸無幾宿毒暴發身故至元二十四

陵川文集目錄
三十九
三年元貞二年禮部御史臺俱為本官封贈事舉呈都
省至今未蒙

聞奏本院參詳本官抱幽鬱之憤者一十六年其風節
宣耿耿始終不移向非彼取滅亡必無生還之道興言
關及此良可哀也且江南未平之前

世朝廷惟以拘留使人為宋朝之罪蓋視奉使為甚重也
及其幸免而來則不暇行賞而歿歿既有年而封贈
之典尚闕此尤可哀者也抗孤身之危而待一國之
斃方之蘇武功則過之禮宜優加爵謚表異忠賢以

佳觀
彰

聖朝崇義報功之美合行具呈中書省照詳施行

大德七年七月 日

御史臺呈

皇帝聖旨裏御史臺據監察御史呈伏惟剖符析爵崇德
報功加謚定封褒忠勸善匪徒誇觀美而飾虛文將
以表勤勞而歛實用也如唐贈白起周封比干苟著
忠勲於異代猶加寵命以旌之况捐軀竭節宣力當
世乎竊念故翰林侍讀學士郝經負匡濟之略荷特
達之知方

世祖皇帝龍飛之初歎殘宋之未服生靈糜爛方域繹騷
亟欲保境寧民戢兵講武擇公卿將以遣之見大夫
無可使者遂授公以前職允國信使特

璽書往喻旨屬僞主孱懦邪臣擅朝絕不爲通拘弗令
反屢欲加害略無改容守節益堅抗言彌厲我

朝以其執使拒命曰兵安忍故一怒興師而長江失險
勢將銜璧危若綴旒國至臨亡公始得釋被拘十有
六年蹈禍患而弗撓觸威武而弗懾忠義肝腸始終
如一雖蘇屬國之持節漢北顏平原之禍笏淮南殆
無以過也因奉命無辱莫顧一身致伐罪有辭遂混

六合歸

朝未幾以疾不祿褒宗之典咸謂闕然欽惟

聖主嗣登寶祚動遵憲度禮遇忠賢或生封以酬其動哉

死贈以獎其魂莫間幽冥均霑寵渥唯公服勞今世
不媿古人封贈未加寔孤衆望若蒙錄其中忠勲錫以
贈謚庶幾陳力就列之臣益思勉勵也乞照詳得此
本臺合行具呈中書省照詳施行

大德七年十月 日

大德九年十月十日

本臺合訂其是中書省...

不數古人... 其... 中... 其... 中... 其... 中...

封贈

大德九年

成宗皇帝制曰鄂渚之役彼因紆難以句和中統之初首
議遣書而通好故翰林侍讀學士國信使郝經毅然
銜

命志在息民往諭

聖祖一視之仁卒被偽相姦謀所梗雖蒙假館遂見拘留
鴈書未達於中原龍棹已橫於江上閉儀真者十六
載臣操益堅訖宋錄之三百年兵端自此甫遂生還
之願遠傳哀訃之音永懷忠亮之風宜舉褒崇之典

於戲請纓象闕既酬終軍繫粵之心圖像麟宮式表
子卿歸漢之節可贈昭文館大學士資善大夫謚曰
文忠主者施行

聖旨一覽之大德九年六月

日

延祐四年四月

今上皇帝加贈推誠保節功臣昭文館大學士榮祿大夫
司徒柱國追封冀國公謚文忠

郝文忠公陵川文集目錄

卷之一

賦十五篇

卷之二

古詩五十篇

卷之三

古詩二十四篇

卷之四

古詩三十一篇

卷之五



古詩六十一篇

卷之六

和陶詩序一篇

和陶詩五十一篇

卷之七

和陶詩四十九篇

卷之八

誦詩二十一篇

卷之九

誦詩二十三篇

卷之十

誦詩三十三篇

卷之十一

誦詩二十五篇

卷之十二

誦詩二十一篇

卷之十三

律詩九十八篇

卷之十四

律詩四十五篇

卷之十五

絕句一百二十五篇

卷之十六

圖記三篇

卷之十七

論八篇

卷之十八

論六篇

卷之十九

論十篇

卷之二十

雜著八首

卷之二十一

哀辭二首

卷之二十二

祭文八篇

卷之二十三

箴十一篇

卷之二十四

銘十篇

贊四篇

說三篇

卷之二十三

書五篇

卷之二十四

書六篇

卷之二十五

記十三篇

卷之二十六

記九篇

卷之二十七

記八篇

卷之二十八

序四篇

卷之二十九

序七篇

卷之三十

序十六篇

卷之三十一

述擬序一篇

文十四篇

卷之三十二

奏議六篇

卷之三十三

碑文八篇

卷之三十四

碑文八篇

卷之三十五

墓志銘十三篇

卷之三十六

墓志銘六篇

行狀三篇

卷之三十七

使宋文移六篇

卷之三十八

使宋文移四篇

卷之三十九

使宋文移一篇

郝文忠陵川文集目錄終

陸川文集目錄

陸川文集目錄

卷之三十一

卷之三十二

卷之三十三

卷之三十四

卷之三十五

卷三十六

卷三十七

古書流通處



